



Na osnovu člana 10. i 136. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10 i 42/12), člana 9. stav (3) Pravilnika o prijemu u vojnu službu („Službeni glasnik BiH“, broj: 57/14) i odluka Ministarstva odbrane, broj:10-34-1-2914-1/14 od 04.08.2014. godine, i broj: 10-34-1-2914-1-3/14 od 04.11.2014. godine, a na prijedlog načelnika Zajedničkog štaba OS BiH, broj: 16-08-34-1-1507-55/14 od 22.01.2015.godine, Ministarstvo odbrane Bosne i Hercegovine, Hamdije Kreševljakovića broj: 98, 71000 Sarajevo, raspisuje:

INTERNI OGLAS
za prijem kandidata u profesionalnu vojnu službu
u početnom činu podoficira Oružanih snaga Bosne i Hercegovine

I

Na ugovorni period od 3 (tri) godine, sa mogućnošću produženja ugovora u skladu sa Poglavljem XI Sistem upravljanja karijerom Zakona o službi u Oružanim snagama BiH, radi popune upražnjenih formacijskih mjesta u okviru komandi i jedinica Oružanih snaga BiH:

a) iz reda bošnjačkog naroda objavljuje se za pukove i rodove / službe

R/B	Rod/služba	Broj izvršilaca	Posebni uvjeti	
1.	Pješadija	1	SSS IV stepen ili viša stručna sprema VI stepen	
2.	Veza	1		Mašinski, elektrotehnički, informatički/računarski smjer
3.	Tehnička služba	1		Mašinski smjer
4.	Zrakoplovno tehnička služba	1		Mašinski, elektrotehnički, zrakoplovno tehnički smjer
5.	Sanitetska služba	1		Medicinski opći smjer

b) iz reda srpskog naroda objavljuje se za pukove i rodove / službe

R/B	Rod/služba	Broj izvršilaca	Posebni uvjeti	
1.	Pješadija	10	SSS IV stepen ili viša stručna sprema VI stepen	
2.	Artiljerija	1		Tehnički, mašinski smjer
3.	Zračno osmatranje i javljanje	1		Elektrotehnički, informatički/računarski, zrakoplovno tehnički smjer
4.	Inžinjerija	1		Građevinski, tehnički, mašinski, saobraćajni smjer

5.	Veza	1	SSS IV stepen ili viša stručna sprema VI stepen	Mašinski, elektrotehnički, informatički/računarski smjer
6.	Tehnička služba	3		Mašinski smjer
7.	Zrakoplovno tehnička služba	4		Mašinski, elektrotehnički, zrakoplovno tehnički smjer
8.	Intendantska služba	2		Prehrambeni, tekstilni smjer
9.	Sanitetska služba	3		Medicinski opći smjer
10.	Veterinarska služba	1		Veterinarski smjer
11.	Građevinska služba	1		Građevinski smjer
12.	Finansijska služba	1		Ekonomski smjer

c) iz reda hrvatskog naroda objavljuje se za pukove i rodove / službe

R/B	Rod/služba	Broj izvršilaca	Posebni uvjeti	
1.	Pješadija	1	SSS IV stepen ili viša stručna sprema VI stepen	
2.	Tehnička služba	1		Mašinski smjer

II

Pravo učešća na Internom oglasu imaju vojnici na službi u Oružanim snagama BiH koji ispunjavaju opće i posebne uvjete propisane ovim internim oglasom.

Kandidat se može prijaviti na maksimalno tri upražnjena formacijska mjesta navedena u Internom oglasu.

III

Shodno članu 9. Zakona o službi u Oružanim snagama Bosne i Hercegovine („Službeni glasnik BiH”, broj: 88/05, 53/07, 59/09, 74/10 i 42/12) i članu 13. Pravilnika o prijemu u vojnu službu („Službeni glasnik BiH”, broj: 57/14), kandidati koji se prijavljuju za prijem u profesionalnu vojnu službu moraju ispunjavati sljedeće **opće uvjete prijema**:

- da su državljani Bosne i Hercegovine,
- da su zdravstveno sposobni za službu u Oružanim snagama BiH,
- da nisu osuđivani na bezuvjetnu zatvorsku kaznu u trajanju dužem od 6 (šest) mjeseci,
- da nisu prethodno otpušteni iz državne službe ili pravnog lica zbog povrede službene dužnosti u posljednje tri godine,
- da im pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- da se protiv njih ne vodi krivični postupak za krivično djelo za koje se goni po službenoj dužnosti,

- g) da imaju odgovarajuću stručnu spremu potrebnu za obavljanje dužnosti na koje se prijavljuju,
- h) da u vrijeme prijema, to jeste na dan 01.10.2015. godine, nisu stariji od 27 (dvadeset sedam) godina i
- i) da su uspješno završili osnovnu podoficirsku obuku.

IV

Pored općih uvjeta, kandidati moraju ispunjavati i sljedeće **posebne uvjete prijema**:

- a) da su položili test tjelesne spremnosti u Fazi 1, prema propisanim normama (eliminacijski prag je 60% od maksimalnog broja bodova po svakoj pojedinačnoj disciplini testa),
- b) da su položili test općeg znanja (eliminacijski prag je 60% od maksimalnog broja bodova),
- c) da su položili test tjelesne spremnosti u Fazi 2,
- d) da su na testiranju u Fazi 2 ostvarili minimalno 54 boda,
- e) da su do dana objavljivanja ovog oglasa u profesionalnoj vojnoj službi u Oružanim snagama BiH proveli minimalno tri godine i
- f) da nemaju sigurnosnu smetnju za prijem u skladu sa odredbama Zakona o zaštiti tajnih podataka („Sl. glasnik BiH“, broj: 54/05 i 12/09).

V

Izbor kandidata po raspisanom Internom oglasu vrši Komisija za izbor podoficira u Oružane snage BiH, koju imenuje Ministar odbrane.

Selekcija i izbor kandidata realizira se kroz tri faze testiranja i provjera i osnovnu podoficirsku obuku.

Faza 1:

Faza 1 testiranja se provodi u centrima za regrutiranje i tranziciju u Sarajevu, Banjoj Luci, Čapljini i Tuzli, i obuhvata:

- test tjelesne spremnosti i
- test općeg znanja.

Kandidati koji ispunjavaju opće i posebne uvjete i koji prilože svu potrebnu dokumentaciju, bit će pravovremeno obaviješteni putem telefona i pisanog poziva o vremenu i mjestu realizacije Faze 1 testiranja.

Kandidati će biti obavezni, prije pristupanja provjeri tjelesne spremnosti, da potpišu izjavu o zdravstvenoj sposobnosti. Ministarstvo odbrane BiH ne preuzima odgovornost za eventualne zdravstvene posljedice kandidata nastale u procesu provjera.

Kandidati koji postignu rezultate iznad eliminacijskog praga, uvrštavaju se na liste uspješnosti po rodovima i službama za koje su se prijavili, u okviru nacionalnih pukova.

U fazu 2 testiranja se upućuju po četiri prvorangirana kandidata po svakom raspisanom izvršiocu, vodeći računa o spolnoj zastupljenosti.

Norme za provjeru tjelesne spremnosti dostupne su na službenoj internet stranici Ministarstva odbrane BiH (www.mod.gov.ba).

Faza 2:

Faza 2 testiranja se realizira u Komandi za obuku i doktrinu u Travniku i u istoj se vrši testiranje liderskih sposobnosti kandidata kroz sljedeće vrste testova:

- test tjelesne spremnosti,
- psihometrijski test,
- komandni zadaci bez vođe,
- vježbe planiranja,
- grupna diskusija,
- esej,
- prezentacija,
- poligon sa pojedinačnim preprekama,
- komandni zadaci sa vođom i
- timska utrka.

Na osnovu ostvarenih rezultata u Fazi 2, formiraju se liste uspješnosti po rodovima i službama za koje su se kandidati prijavili u okviru nacionalnog puka.

Sa konačnih rang lista uspješnosti odabiraju se najuspješniji kandidati, shodno oglasom traženom broju izvršilaca za dati rod/službu i isti se upućuju u Fazu 3 provjera.

Provjere Faze 2 traju pet dana i tada je osiguran smještaj i ishrana kandidata.

Faza 3:

Treća faza provjera obuhvata:

- zdravstvene preglede i
- osnovnu sigurnosnu provjeru.

Za sve kandidate koji uđu u Fazu 3 provjera za prijem u profesionalnu vojnu službu, Ministarstvo odbrane će organizirati zdravstvene preglede i izvršiti osnovnu sigurnosnu provjeru. U vojnu službu neće biti primljeni kandidati koji ne zadovolje na zdravstvenom pregledu, kao ni kandidati za koje se, tokom osnovne sigurnosne provjere, utvrdi postojanje sigurnosne smetnje iz člana 59. Zakona o zaštiti tajnih podataka Bosne i Hercegovine ("Službeni glasnik BiH", broj:54/05 i 12/09).

Umjesto kandidata koji ne zadovolje na zdravstvenom pregledu ili sigurnosnoj provjeri, na ove provjere bit će upućeni sljedeći kandidati sa rang liste na kojoj se nalazio kandidat koji nije zadovoljio.

Kandidati koji budu oglašeni zdravstveno sposobnim za vojnu službu i ne budu imali sigurnosnu smetnju, upućuju se na osnovnu podoficirsku obuku.

Kandidati koji ne zadovolje kriterije u bilo kojoj fazi provjera ili odustanu od provjera ili prekrše disciplinske propise i norme tokom procesa selekcije i izbora, bit će eliminirani iz daljnijeg procesa prijema u profesionalnu vojnu službu u Oružane snage BiH. O eliminaciji kandidata odlučuje Komisija za izbor i o svojoj odluci obavještava kandidate.

Osnovna podoficirska obuka

Osnovna podoficirska obuka realizira se u Komandi za obuku i doktrinu Oružanih snaga BiH u Travniku, po planu osnovne podoficirske obuke. Na osnovnoj podoficirskoj obuci kandidati će biti obavezni da pristupe ulaznom testu tjelesne spremnosti. Kandidatima koji na tom testu ne

postignu 80% rezultata koji su postigli na provjeri tjelesne spremnosti u Fazi 1, bit će prekinuta obuka i neće biti primljeni u profesionalnu vojnu službu u Oružane snage BiH. Prava i obaveze između kandidata za prijem u profesionalnu vojnu službu i Ministarstva odbrane BiH reguliraju se posebnim ugovorima o osnovnoj podoficirskoj obuci.

Kandidati koji ne ispune obaveze iz Ugovora o osnovnoj podoficirskoj obuci neće biti primljeni u profesionalnu vojnu službu.

Kandidati koji uspješno završe osnovnu podoficirsku obuku zaključuju sa Ministarstvom odbrane Bosne i Hercegovine Ugovor o prijemu u profesionalnu vojnu službu u činu vodnika i postavljaju se u komande i jedinice na odgovarajuće formacijsko mjesto, prema njihovim preferencama, u okviru puka, roda, odnosno službe za koju su se prijavili.

Ako odgovarajuće formacijsko mjesto u puku, komandi, jedinici, rodu, odnosno službi nije slobodno, kandidatu će biti ponuđena mogućnost prihvatanja drugog formacijskog mjesta unutar Oružanih snaga BiH. Ako kandidat odbije alternativno formacijsko mjesto, oslobađa se službe bez ikakvih daljnjih obaveza. Niti od jednog kandidata, po završetku osnovne podoficirske obuke, neće biti traženo da se protiv svoje volje priključi nekom puku, komandi, jedinici, rodu, odnosno službi.

VI

1. Kao dokaz ispunjavanja općih i posebnih uvjeta prijema propisanih ovim oglasom, kandidati su obavezni dostaviti sljedeću dokumentaciju:
 - a) popunjenu i potpisanu prijavu sa biografijom (obrazac se nalazi na službenoj internet stranici Ministarstva odbrane BiH www.mod.gov.ba);
 - b) dokaz o stečenoj stručnoj spremi (original ili ovjerena kopija diplome). Za diplome koje nisu stečene u Bosni i Hercegovini dokaz o nostrifikaciji, uz utvrđen ekvivalent stručne spreme prema oglasom zahtijevanom stepenu školske spreme, koju je izdao nadležni organ u Bosni i Hercegovini i
 - c) Ugovor (original ili ovjerena kopija) o produžetku profesionalne vojne službe u OS BiH.

Napomena: Nadležni sektor Ministarstva odbrane će naknadno, po službenoj dužnosti, utvrditi da li kandidati ispunjavaju opće uvjete, koji se odnose na činjenice iz glave III tačka c), tačka e) i tačka f) ovog internog oglasa, i to za kandidate koji su ušli u uži izbor za prijem u profesionalnu vojnu službu u Oružane snage BiH.

2. O vremenu i mjestu testiranja i provjera u prvoj, drugoj i trećoj fazi, kandidati, koji prilože svu potrebnu dokumentaciju i koji ispunjavaju opće i posebne uvjete, bit će pravovremeno obaviješteni putem telefona ili pisanog poziva.
3. Prilikom odabira kandidata za prijem u profesionalnu vojnu službu vodit će se računa o ravnopravnoj zastupljenosti spolova, u skladu sa Zakonom o ravnopravnosti spolova („Službeni glasnik BiH”, broj:16/03, 102/09 i 32/10).
4. Kandidati za prijem u vojnu službu u Oružane snage BiH bit će tretirani s punim poštovanjem principa transparentnosti, pravičnosti i istih mogućnosti. Neće biti diskriminacije ni po kojem osnovu.

5. Nakon završene oglasne procedure, u roku od 6 mjeseci, kandidati koji ne budu primljeni u profesionalnu vojnu službu mogu preuzeti dokumentaciju u centrima za regrutiranje i tranziciju, na lokacijama navedenim u tački 7. glave VI ovog internog oglasa.
6. Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje. **Rok za predaju prijava sa pratećom dokumentacijom na Interni oglas je 15 (petnaest) dana od dana objavljivanja na službenoj internet stranici Ministarstva odbrane BiH.**
7. Potrebne informacije i obrasce prijave kandidati mogu dobiti od centara za regrutiranje i tranziciju na sljedećim lokacijama:
 - a) Sarajevo (Kasarna „Rajlovac“), Ulica Safeta Zajke bb, tel.033/773-437;
 - b) Banja Luka (Kasarna „Kozara“), Knjaza Miloša bb, tel.051/335-886;
 - c) Čapljina (Kasarna „Božan Šimović“), Grabovina bb, tel.036/811-084;
 - d) Tuzla (Vojna baza „Aerodrom Dubrave“), tel.035/814-954;
 - e) ili preuzeti na službenoj internet stranici Ministarstva odbrane BiH (www.mod.gov.ba).
8. Prijave na Interni oglas sa propisanom dokumentacijom dostaviti preporučeno putem pošte na adresu:

MINISTARSTVO ODBRANE BiH
ORUŽANE SNAGE BiH
KOMANDA ZA UPRAVLJANJE PERSONALOM
ul. Knjaza Miloša bb
Kasarna „Kozara“
78000 Banja Luka
sa naznakom „za Interni oglas za prijem podoficira u PVS“

Broj: 10-34-1-2914-3/14
Sarajevo, 10.02 .2015. godine



MINISTAR
Zekerijah Osmić, dipl. oec.